



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四九二

小謨觴館詩文集十三卷（詩集八卷附詩餘一卷文集四卷）小謨觴館續集五卷

（詩續集二卷附詩餘一卷文續集二卷） 彭兆蓀 撰

一

求當集十二卷 張 鏐 撰

二〇七

花嶼讀書堂詩鈔八卷花嶼讀書堂文鈔二卷花嶼讀書堂詞鈔二卷 李 福 撰

三二三

靜娛室偶存藁二卷 李宗瀚 撰

四九三

古泉山館詩集八卷 瞿中溶 撰

五四九

奕載堂文集一卷 瞿中溶 撰

六七三

序

太室之山嵩邱之下有謨觴焉蓋上帝之冊府羣真之秘閣
吾不逢仙客不覩異書俯仰世間嘗以為憾及與君交觀其
所作頓驚癡俗始歎靈奇譬如窺朱鳥之牕中爛然甲帳駕
綵虹於霄半麗矣瓊樓洞庭張樂何有箏笛之音瑤池命宴
故非烟火之食足使江東袁淑賦藏鸚鵡關中庾信詩遜鳴
蟬南城會煥

序

十

詩集序

予與彭子湘涵交十年矣始自卑閣聞其髫髻秀駒逸鳳
奮鳳用慕尚塗轍乖分瘳蒼淮陰各在羈屑尤君祖望為書
以通介而相見自後或睽而合率不歷月經時以逮今茲乃
得盡讀其二十年所為之詩凡若干集若干卷而序之曰湘
涵自少迄壯總十餘稔其所為以才為主以古為程旁午側
出綺組瑰恢珊瑚木難碎不問賈雉裘火錦焚如裂如九機
百鑄五軌六莊虞淵下春迫而逐之山子驟耳駕而先之秦
娥趙女越施漢嬙不遡步幃俠侍妍冶妖媚失氣嬌夫盪魄
嗚咽顛倒莫知其由發其張弛辭勝於理由立至強悼心亂
慮姦窮既謝百怪退舍深谷峭壁夷為唐途方車駟馬憧憧
往來徑寸之珠不易握粟熙熙饑年不羨太牢如喝得陰如

詩集序

二

壓得醒疲劇登頓遽宇攸憩其直詞正氣宏辯博議契澗骨
肉徘徊死生婉篤諄復意哀旨深老氓力穡宿將布陣不問
豐凶不意首級亞旅從令斥堠自遠惟其以理為主以才為
輔古設今施宏演潯穆湘涵之所為又一變而泊乎有成嗚
呼唏哉自念交臂暨於盟心凡所相期曷盡在是由其才氣
壯盛可以陵終轅賈蹕厲建豎海至馴擾冥心逢源亦必裨
補風俗理化和平年運而往齒髮各驚齒簡鬢翰銷沈知慧
假道自信詎云本懷徒以術業無殊欣戚不二夢蟲桂蠹彼
我自知言其苦辛未為膚受為述之如此尤君而外勿以示
人嘉慶丙寅八月望日吳江郭慶序

小謨觴館詩文集總目 并自序

幼經遐陬壯慕劬學九流百家輒涉厓略感心發言諸體間
作窮薄寡諸宰事修禊以厠藝林滄海稊粟計古今體詩八
卷詩餘一卷賦序書記碑銘雜文四卷爲初集甘亭居士彭

兆蓀識

詩集

第一卷 樓煩集

第二卷 南鴻集

第三卷 星社集一

第四卷 星社集二

第五卷 備書集一

第六卷 備書集二

小謨觴館詩文集總目

一

第七卷 葦杭集

第八卷 觀濤集

詩餘附錄

文集

第一卷 賦

第二卷 序

第三卷 書

第四卷 記碑銘雜文

小謨觴館詩集卷弟一

樓煩集 辛丑迄丁未

鎮洋劉勳詩集

卷一

山右寧武古樓煩地西極河滄北鄰火燄五
門三邊之一也兆蓀象勺之年家君作宰十稔於茲朔
代燕雲還往如織當夫霜月白夜古情鬱黃廬酒酣
銅斗歌作輒銜其山川學爲賦詠刪十存一戢戢已多
雖操觚率爾而以志少時鴻爪爲勒繼聲朔管霜笳
觀者其有星心月口之思乎乾隆丁未陽月上澣甘亭
居士書於樓煩官舍之獲古堂

企喻歌二首 辛丑

男兒一墮地鶴子飛向天身是射生手不求舉力田

小謨觴館詩集卷一

一

易博食肉侯難得可手弓明明天上月不落韞弢中

隴水歌辭二首

舌卷入喉屢陰近藏胃中斗血風吹不涼

嗚咽嗚咽肝腸斷絕水咽復波腸絕奈何

讀北史六首

十步有一芳何辭問荆棘才人屈城使扼塞自歎邑
翩翩虞公子見笑李文博輕薄少年場長沙不可作
巨倫遇葛榮拙詩以自晦如何沙門標乃坐五言罪
闢佛佛寧校崔公曠代賢從來薄延壽作史論因緣
景仁工八體便足致開府可憐劉孔昭秀才不得舉
黃衫屬兒子力戰不謀身千古求才者萑蒲大有人
詠古九首

蒼鷹本擊惡弱鳥亦驚翔酷吏豈乏效毋乃民氣傷西京傳
民牧耶寧兼龔龔黃並列有深意得失觀自詳偏哉矯激流威
力資桁楊流弊成鉗網側目在道旁巍巍局狴犴索索纏琅
當但慮無文翁何爲憂箭張

良弓不全終涼法始於漢辛勤蓬葆徒乃以人狗判當其設
喻初目早無絳灌奈何天下才沈吟苦不斷徊徨娥姁術悽
戾鍾室歎樂說何人斯封侯媿蕭鄴
古人重節槩要貴託死生不解游俠傳乃列樓君卿朝致呂
寬獄夕博輝光榮同時谷子雲阿鳳亦有聲何怪千秋下二
客俾齊名

建元敦經術通藝及郎吏兒寬對廷尉乃謂弗習事儒生不
署曹張湯失交臂逡巡上畜簿奏當見才地文字與法律一

小謨觴館詩集卷一

二

理詎殊致擾擾乾沒徒田甲結私誼怒馬兼鮮車誰歎共圖
治

士習患標榜清流雜污濁東京俊廚號何必無賢奸國家嚴
黨禁深意存衣冠不見李元禮聲名動朝端一夕詔獄成故
吏皆糾彈總總數千人立名誰不刊龍門在圓扉登者心爲
寒惟聞景御史上表自辭官

西京羅甲第北里盛歌鐘金張侈服食趙李相過從荏苒丁
叔末減俸賦不充建安卿相厄採稻悲飢窮世運與物力夫
豈長滋豐三復持盈理還哉唐魏風

夏后惜分陰晉曠喻秉燭人生無賢愚年短苦景促士行起
負薪激烈投博局功名始蟬冠風塵冀南服王室似滄海橫
流爲一束丈夫重致身長恐日不足悠悠牧豬奴安能識鴻

鵠

杜家著新書正元名始布傀偉燕然銘偶儻鸚鵡賦寸晷試
衆長抱負豈非素學人一表彰餘子安足數名實本相須沿
流謬依附小儒亦沾沾乍見恐疑怖僕射有楊公母爲致其
怒

街玉玉不美噉名名乃虛寧圖千秋業而爭一日譽東莞劉
彥和典禮窮居諸雕龍四十九傳世諒有餘區區吳興郎安
足當吹歎才華卽求售何至候人車流風日波靡行卷投趙
趙咄哉昌黎公乃有光範書

樓煩雜詩十二首

萬古樓煩國平分十六州蒼厓三伏雪白月四時秋飢虎宵
巡郭猜鷹千下羈欲知河水濁北望是偏頭

小謨觴館詩集卷一

三

埤垓緣巖峩峩百雉雄重關遮日逐飛閣瞰雲中植鍛星
施施鳴弦月羽弓防邊原重寄誰是筆頭公

往在成周會父問列貢圖地從開主父王遂換林胡探敵雄
威盡吹篴壯士孤拓疆天上夢乾笑史遷誣
交運東西漢秋高轉戰場移民四郡實發卒萬人強節共憐
馮敬功難數郭涼至今沙塞月不獨弔韓王

魏仲青龍歲鮮卑驍騎秋大人來保塞別將失并州狡獪今
何處蟲沙各自愁陜南與陜北不斷陣雲稠

六三齊帝識達連魏王川彌澤邊烽靖蘭陵主貌妍魚羊方
食肉殺雞又飛天一角祁連水波旬閱幾年
霸略神元首威名大業高撐廬阿廢帳芟草可汗刀瘦馬遺
龍骨殘山落雁毛汾宮無片瓦懽與撥蓬蒿

閑廢三邊使沙陀百戰功祿兒原盜賊亞子是英雄序舍塞
蕤草雕雲迴搏風無窮唐壘憶都在角聲中
黃草梁頭驛紅門口上營衛加千戶所官總二邊兵關路紛
圖說屯田議守征百年爭復套若箇請長纓
西去汾山近汾源衍派長一泓激匹練千里下平陽樹闔臺
駘廟秋先拓跋岡余未聞樂地天水兩蒼茫
叢祠拜都督奇節等常山劍氣虛帷冷刀光畫壁殷運難扶
未祚旣首失雄關不忍瞻遺像稜稜甲尚擐
舊是防秋地今看上將臺幕烏衝雪起獵騎卷雲來令肅官
懽靜天寒曉柝哀受降城咫尺珍重勒銘才

一夕

一夕旄頭萬馬奔鼻蘭烽火達昆侖赤丸潛探元戎幕碧血

小謀鵲館詩集卷一

四

難招郡將魂祇道纏頭能鬪穴竟無精手與當門狼狐引領
飛龍騎并掃連雲左輔屯

兵車行

鵬窩梁頭吹角罷夜半山城羽書下朝來梟牙看點兵束箭
去作甘州行刀槍十復五五謀克沈沈洗猛安武火伴傳呼
領具裝家人哭悔編軍府城門湧洞鳴孤出犀兕甲裳耀丹
漆萬馬先懷喋血心斗擲胭脂好毛質紅顏白髮提壺漿塵
埃蓬勃雲蒼黃傾城聯轡走相送鼓聲隱隱備漁陽丈夫自
當爲國死那得臨歧戀妻子吸盡生離舉奠杯畱將日後招
魂矢旗獵獵風淒淒一語不聞聞四蹠三邊健兒好身手金
印須當覓如斗百隻肥牛待歸割僕射由來愛戴堅水衡養
士况年年請收南浦傷心淚笑飲西京百眼泉

鼓角四首 壬寅

鼓角下遙天妖氛落斗躔殘兵熊耳積吉語馬頭傳見戟眉
何益當轅臂孰憐還應玉關路刻石傲燕然
持重休兵策長國逐日增三旬堅壁守半夜拔弧登箭簇孤
懸地營燒最上層摩雲餘故壘殺氣尙憑陵
內府來飛將雕弓霹靂誇五威屯九虎一鴨走羣鴉寺燧摩
尼微風清袍罕笳靈藝桐鼓曲傳唱偏瓜沙
俘敵迴雲騎飛書報露章槍陳秦武衛碑勒段文昌茶服花
門拜春光鐵勒長書生無汗馬鐙吹擬平涼

昔聞

昔聞安定守不問馬如羊詎謂輪邊粟翻成盜太倉南衙案
金布東市集冠裳應梅涼州博蒲萄一斛香

小謀鵲館詩集卷一

五

城南杏花盛開沈確齋別駕徵耆招飲張氏園卽席
作癸卯

山原氣暖香風嫋流鶯問關報春曉玉鞭七寶颺晴絲馬踏
春蕪軟紅繞十里霞烘芳甸齊片旗青巖郁墟小畫樓昨夜
雨初乾凝脂半浸燠痕香休文游興匹樊川韋曲穠花恣意
憐行厨盧氏長鬚健載酒羊車小史便修垣繚曲環花塢玳
瑁文梁燕新乳絕豔盈盈酥乍融香雲濛濛日亭午黃蜂粉
蝶鄰牆來銀鈎翠箔東風開紅紗中單玉膚逗一笑影落流
霞杯休言阨寒龍堆近苦恨涼颺城朝權如許朱顏儘客看
天涯何地無金粉玉體傳觴醉不辭開紅還與譜新詞戰場
莫說蟲沙怨此是春農舉耒時

鞞韞行

并序

王仁裕開天遺事載祿樞爲官中鼓江以南絕少今代朔尚沿此風每至春日比戶以酒盒相邀粉黛成羣畫牆朱戶間觸目皆是戲作歌謠行紀之

東風掠面吹香塵燕子簾櫳執扇人駘蕩冶情三月暮飄揚紅影十分春春人曲奏春光好意轉蘭蕙暖浮草宅夾灰河水北亭檐低來葉城南道白楊門對鬱金堂玉檻銅溝亞字牆喚取雪兒扶彩桁催教琴客啓倉琅千秋式做開元製紅索垂垂竿細細代朝眞宜貼地腰江南誰省仙人戲社公兩歇轉新晴翠袖笑娛挈隊迎金縷繡成誇樣窄越羅初試喜衫輕踏青闌草都無緒悵望游絲榮落絮要賭鶯鴻掌上身珊珊小試冷風御雲鬢掠削互兜換結帶盤巾女伴催暮地明霞彩榻落一聲瓊佩紫霄來迴翔纖趾驚校擲慢舞輕旋

小謨觴館詩集卷一

木

論丈尺花底生防露牛襟柳梢已被窺雙鳥藤蕪徑畔畫樓邊叱撥年年記駐鞭百褶衣香霏院外九天珠玉落風前翻傳遍唐宮技額黃微褪柔肌靡卻步蜂鬚蝶粉間回身綠映紅遮裏綺陌看花夕照多三條五劇奈春何隔牆分付多情月良夜明明送影過

閑情四首

香種倚虛北仙根幹耦家姐應呼嬾嬾年略長茶茶鞦韆繡頭鞠衣裁豹脾花薄寒宜酪飲暈臉上朝霞方趨蟬紗障揚鞭小市東脂輕開兩靨漆重點雙瞳龍蓋橫參影駝鬘寶轡風焉支山近在名字稱紅紅翠憶斜梢柳金沙碎碾楚長檣猥婢壓短轂猥奴扶綺席猶虞妖鴉鬢認固姑眼穿蕃馬隊許駕六萌無

囊祺藏嬌小葦庭占好春笑看細反插夢憶體橫陳路半迷熊室書空託鴈臣美他研練絹長繫領邊巾

雁門關四首

甲辰

直上三千尺崇岡石棧孤關形雄倒馬山勢接飛狐雪壓玉腰品風寒金僕姑遙憐洞庭雁猶自解銜蘆絕頂憑飛閣河東半壁天撥雲窺八部揮手指全燕暗整燐搖火餘冰澗咽泉英雄頗牧去陵谷亦淒然斜陽下殘堞回首一沾襟了角晚烽斷郅支秋意深谷呀羅虎凡杉動啄鳥黔老盡漁陽將甚茫拊髀心昭代懷柔遠無煩石顧勞羽書西輔靜管綸北門高廣武亭延月淖泥岸拍濤春花生土槽匣冷赫連刀

石峰

小謨觴館詩集卷一

七

石峰遺堡在拔欄憶哥舒聞道豺牙厲仍吹虺毒餘定西風卷簾渭北羽馳書不是嫖姚將機槍孰掃除

周忠武公墓紀異詩

并序 乙巳

乾隆五十年夏杪雪潦決旬溪澗泛溢城南周忠武公墓在半山爲灰河水所蝕土脈坼裂官議築隄護之而水猛工不克興一夕雷電交作水所經處忽墳起一山長三十餘丈高十餘丈蠟屈墓前如隄防然墓得無恙萬衆詫歎咸謂將軍靈也作詩紀之凡三百八十字大圖覆空穀神鼓其內盡山兩戒分奠嶽百靈配飛來理則誣彈指說尤悖及乎弄神奇造化出校槍精英激頑冥常理安足槩今年暑新徂雷殷白日晦迴迴雲吐欲漢漢雨霏霏西甸倒琤琮詰旦坐亂昧中雷歎洞漩階祀灑幾排重陰

銚屢襲苦溼衣或焙崇岡屹城南崆峒壓崧岱下蘊忠臣骨
朽壤翳榛穢灰河遶奔龍剝蝕露沙確淋浪兼愁潦山脉忽
破碎英防枉人功邪許艱築埭竹捷術已窮保障天其賴狂
魔陡憑怒中夜吼靈怪石命愚公移根用巨鼈戴平川一鼓
盪磽确驚沸潰排空聲波心墳起出地肺拭目乍愕貽轉頭
見碁礪坂砥旋截業厓賺勢向背警諸築壘垣殊不藉鉏耒
又如勾萌物怒發非灌漑起伏紛連蝕叢草互鈎帶洪溝束
坡陀峻湍潛避回奔走告長官詫嘆駭羣疎詎緣山中英弄
巧戲儕輩又豈坤輿靈鬱勃不可耐異事各聳兢神意知有
在將軍殉沙場齒齒怒穿齰生無百夫贖死復一抔壞天公
善補過有力敢自愛風雲護殘骸幽明兩稱快華表高長撐
椒漿謹重酌圖經義未詳齊諸志當載小儒費搜討畫史煩

小謨鴈館詩集卷一

八

藻繪吟成雨不止俯仰發餘慨武墓前山一事傳之者
幸斯邑光緒親從往觀即於是夕成此詩蓋非即書燕說此
也嗣家君以此事上諸大府中丞農公立捐三千金重葺忠
武祠宇并勒碑紀其蹟異此
詩中所未及詳者後錄於此

城頭月黑雁飛高城下都軍夜帶刀一種秋聲誰管領紆千
山北薛陽陶

染峪山龍泉寺

參天萬笏攢如屋前有飢蛟後元鹿懸厓滄雲滄水一徑
陰森走深谷黑風撼人馬尾縮叢條晝嘯山鬼哭花宮何年
絕頂築帝道存娥操春揭吳剛斧快神臂速斫斷劍鋸成老
禿芙蓉一朵香雨沐紫府穹窿踞其腹番僧百年瞳子綠石
窟寒寒跌兩足佛幢垂垂銚似粟古磬忽敲清漱玉怪禽銜

果供半菽猛虎蹲門作奴僕謂余少留噉魚粥礪雲遮頭催
轉轂山英四號不敢宿電擊霆砰走相逐冥冥大壑竄且曲
燐火導人如秉燭天都一去難再復淫翠侵衣散餘發迴頭
欲問居可卜似說郎君爾無福

鎮朔樓十二韻

并序

寧武緣山為城北門其最高處上建樓曰鎮朔雄麗揭孽屹
峙萬山中為一郡之望明季季李自成攻城時所發鉛丸矢鏃
尙疊疊窗戶間可捫而數也
傑構基局護飛臺旭彩浮登高今勝地築壘古邊州盤漠鵬
時下摩空雁亦愁素雲遙欲壓朔氣冷全收蛾賊連羣日狼
煙上將憂勢真同燕幕交幾失蛇矛瘋昏星孤落砲礮奔石
投經熊千歲劫狼鶴一軍休關路清烽燧郊竿爨旂旂黃雲

小謨鴈館詩集卷一

九

屯敗棟碧血鎖危樓目斷龍堆戍魂招鹿塞秋寒風悲壯士
終古自颺颺

陽方口

丙午

征車五月馬蹏催戍壘縱橫有劫灰扼堡地爭中路險排牆
軍可萬屯開遙林似薺當關數溪水無波抱石來怕說楊家
老防禦秋風吹淚臺蓮臺

馬邑道中三首

風卷驚沙一障開賈州西傍拂雲堆紅羊蟠嶺流沙去翠鸛
拖秋瀚海來壯士近多諳吏法書生誰敢議邊才金刀校尉
兒童記話入斜陽斷角哀
漢家天子邊防重虎落周遭樹戰幢太守威名推第一將軍
材氣本無雙甘泉烽熄孤塗走服匿虛空六角降千古封侯

遺地在桑乾東下水淙淙

時平鉤鈇化鉏耜起聽嚴城夜半雞取吏不驚囊赤白倚廬
那用尉東西路通注水神駒健天入陰山斷雁低猶有呼鷹
閑騎將北風吹滿錦障泥

懷仁

朝呼溼水渡夕倚雲州郭積陽無晶光盛夏亦蕭索居戶不
盈千土銓依葦箔豚闌地半弓馬矢牆一角懸鞍進蔡接解
渴思鹽酪漢家度遼將曩日困鈔掠頭曼跡久陳大峪險猶
昨琅鐸無喧聲珣弓有遺繳淒然望重關已下嚴城綸

大同

平原屹萬雉絕漠迴衝颶北極地孤迥西陲氣聊蕭高牙此
開府部伍肅不葺斜日冷大旗鼓角閭遙遙紫宮既蕪沒鹿

小謨觴館詩集卷一

十

苑餘畊樵叛將骨應朽國殤魂孰招商民頗駢生士女亦冶
姚威彼昌丰象想見烽燧銷噓槽喧廢馬掠野騰雲鵬時平
念忠蓋哀歌懷李超

聚樂堡

迴野喧騾網晴曦裊鞭影數家並塞民百堵荒寒境聚猶列
屢市劣不成崗井茨廟昔建置耕屯備邊警地分都尉治土
列牙軍猛側想旂笳喧颶香纓羽整宵烽百年無民氣四時
靜貴耐臨爐頭北風酸射餅

紇干山

蓐食徂邊庭侵星促長駕蕭蕭蘆管音寂寂雲中夜白馬寒
自嘶黃羊健誰射岩堯遠山影壓夢吁可怕元風西北來搖
月慘將下東雀何不飛商聲足悲詫

桑乾

汧涓桑乾水源自洪濤山號曰小黃河汎濫燕冀間雖收灌
溉利亦勞隄障艱司州發端處細流殊潺湲往往往陽燁歲徒
涉恣往還千里及畿輔乃有奔騰患燎原理則同濫觴勢誰
閑感慨潰防事迂衷自循環

白登

白登山下客星過戰跡平城付逝波憶自重園天子出盡傳
奇計漢臣多沙隄萬足騰宛馬石窟雙峰湧橐駝今日一家
中外合春風不隔兔毛河

遼太后牧樓歌

奇首八部興潢河國權半屬改耨廢青牛嫗出可敦貴參贊
直匹鄯平侯何淳欽云亡撒葛弒重見聖母臨統和御容殿

小謨觴館詩集卷一

十一

頭決朝政玉盆灣口開行窩雲中故縣城牛角牧樓基壓桑
乾波想當校獵屬暇豫轡絡臂綰輕輿過同心帕裝媚絳幘
雙結玉佩鏘烏韉駝尼簇翠坐捺鉢軸簾閃影頰頭驚流泉
一鏡晃白道照見早髻秋花羅駟車逝後闌楯廢琬塗毀亦
蕤煙莎東樓西樓罷謁廟十帳九帳停吹螺駕鴛瓦冷蕭宇
沒香泥柱脚空摩挲迴憶從戎灰洞口戰跡遠到青泥塌桑
宮蘭館太瑣屑往往馬上去揮弮戈意中不復有任姒區區馬
鄧安足多豈知雄略益一世再傳乃有菩薩哥齊天巧思拈
奇變宣懿詞藻招誅詞多才瑟瑟枉詩諫天祚國步旋蹉跎
此樓興廢亦偶爾乙室家事煩悲歌脂粉盡蕞荏荒臺
蔓草愁滂沱焚椒遺恨更填臆欲話往劫無青蛾茫茫蕞帳
斜陽裏獨詠香詞走紫駝

枳兒嶺

飛梁繞修蛇怪石劈鬼斧人聲出天脊馬足洞山腑直下皆懸崖決決暗泉吐千年闕頑陰有眼孰敢俯路窮見斜徑峰轉得小聚戶稀常斷炊煙淡不成縷荒祠兩三間白日慘牆土敗佛無全身貌與樹爭古殘魂弔天驕畏路避渴虎淒唱山雀吟前峰仍午午

八達嶺

兩巖夾層雲線路爭一指峰高不肯俯偃蹇瞰天咫我行登頓疲計險忘計里呼風馬批耳嚼腳石排齒嵐靄北條來蜿蜒撲眉紫奇哉老太行元氣果不死憶在明中葉三輔屯錯峙建瓴俯神京居庸列其趾時清牌堠踈道古榛菅迤日昃聊停驂秦城倚殘雉

鷄鳴驛

小謨觴館詩集卷一

三

巉巖石筍如踞虎恒嶽流雲遠吞吐鷄鳴驛口上谷西一臂全遼垂萬古我來瘦馬踏沙行不斷關山羌笛聲武帝樓臺蒼蘚合蕭家池館暮霞橫既廬小帳環寒郭窅堵孤撐語風鐸八水驚鶯合沓流三關鷹隼當空落征旗狎獵度洋河紅草溝邊好駐珂白羽射鵬豪客去靚妝盤馬美人過生年未識江南好便逐飛鳬向雲堡折戟魂銷托邏臺黃金日落燕關道燕關窈窕足燕姬酒熟當筵舞柘枝且歌阿子歡聞曲和我陰山斛律詩

宣府二首

龍堆夜氣接漁陽獨倚和門望大荒玉帳照斜三輔月金笳吹老一城霜燕支山遠秋無色拔里臺傾土尙香愁絕孤亭

圍萬柳絲絲風入髮邊涼

宣仗離宮建羽旄當年巡幸肅弓刀卻來御苑憐黃土誰使將軍號緒袍蜀幕寒支離磧遠花臺秋飈隼旗高鷹坊虎圈悲風起和入長松作怒濤

土木堡二首

夏口風蓮夜變輿此駐營雲端墮天子兩帝失先生貂寺魂誰惜龍潛卦早成裕陵園近在草接豆田平不信全軍出真成孤注憂臣援取呂例君洗靖康羞元老扶危策宵人倖賞秋南宮遺恨在唱盡白符鳩

居庸關值山水暴漲作歌紀事

昨宵雨過林含煙狼山野店寒無氈曉策青驄出茅屋千巖峯肆紛迴旋初疑絕壁屐齒折齒漸訝細路藤梢牽疎松位置

小謨觴館詩集卷一

三

出無意十步五步相延緣馬頭忽上亂峰頂跌蕩氣與青冥連嵌空下摘石竇乳舉袂欲拍洪厓肩雄關突兀已在望翼叢一徑遮全燕鴻影不度雲漠漠磴痕皺裂苦芊芊危樓俯鏡上谷塞遠勢旁接盧龍巔是時匝月苦雲潦浹衙百丈奔飛泉喧呶怒吼當道涌幽壑斷崖成巨川如遊匡廬看瀑布匹練曳出珍珠圓又如錢唐破陣樂撞鐘伐鼓龍宮前槎枒削鐵已足駭况此攔路波潏潏公轡兩目迷五色行旅攬轡愁迤邐平生讀書誇九險陸訓方信淮南篇壯懷豈以風浪阻凌兢且策驂驪先霜蹶欲落不敢落一蹶已下清冷淵騰騰四足蹴蛟窟面面疊浪漂銀鬣巨石中流大如甕盤渦兩搏爭喧闐的盧忽仆箭脫苦游韁急勒弓引弦掀然躍起二三尺直破屢霧衝河漩山英陽侯不我厄崎嶇歷盡身安全

伸眉長笑在平地但見疊翠青連天返思曩險已幻跡入離
出坎無俄延隙光電火總映爾憂患何必多紫纒牽成詩章
誌感激有人北牖科頭眠

彈琴峽

疊翠拱天府列嶂等樹屏四圍關嶺合一綫秋旻青奴子綠
木杪飛步高吟癖我自循澗曲支筇走伶仃設險緬勝朝冠
至無重扇奸璫安足責憑弔勞心靈松風解怡顏雨過聞草
馨鳴咽巖下泉清音奏瓏玲奚須事操縵恍爾鐫仙鈴成連
已長往昭文坐忘形塵劫去浩浩幽懷愜冷冷夙明無弦旨
獨向空山聽

塵海

塵海渾如霧車聲殷若雷濫隨充賦隊誰抱練都才溫卷青

小謨觴館詩集卷一

南

生賤梯榮廢舍開寥寥年少客斜日眺金臺

伏日尹楚珍閣學席上作

雷雨虛堂歇茶瓜令節新從容卸冠佩清切話絲綸粉筆頭
廳客黃裳末座人褒揚能稱未交愧紀羣親

陳玉臺給諫

昌國王秋樵吏部毛宿亭舍人上京

周小泉治中集飲寓齋

下直花廳散閒坊曲宴酣飛騰前輩在負荷後生慙分許忘
年義狂應倒佩簪金門容大隱街鼓任館鰒

玉河

雁齒分橋路鷗波傍苑牆楓樓影直沙背柳風涼朝士朱
丹轂汀花黯淡香芙蓉好顏色嘯解集衣裳

宮詞八首并序

春閣含風銖衣易故秋深長信執扇誰憐況復露井桃開瑤
闥夜永歌來別院和蓮箭以穿花影抱疎櫺掩瑯函而卻月
未免皎裳帶纓蛤帳寒生銀鎖爲眉三秋不啓珍珠作淚一
斛平量南樓無買笑之金東閣有煮愁之賦於是腸迴痛定
思抽筆先詞帶露以成賦句經秋而益脆弦公柱促彈成寡
鷓鴣之歌葉悴風酸譜入哀蟬之奏嗟乎江上芙蓉後東風而
亦采華年錦瑟怨滄海以奚堪聊代度詞藉申結轡造懷指
事世勿泥焉

小謨觴館詩集卷一

五

六更西弄緒風清新字宜春貼鏡檻紫袖昭容隨例慣娥班
且自看那行
采殿清防雉尾臨黃麾仗下戟衣深歸來未忍拋鍼線猶是
他年補衮心
驚鴻不學趙家兒那怕披香博士知自有蔣侯神位在雲芳
空寫斷腸詞
義髻黃裙拜建章舞消誰早侍明光綠窗深掩流蘇合手把
金猊炷夜香
脉脉溶溶月上時芙蓉別殿夜歸遲任他銀鑰收還啟肯爲
羊車插竹枝
梨花風動玉闌寒十二樓頭宴半殘排罷太平排萬歲似聞
新樣要多般
玉階閒吟已黃昏明月梅花總是恩一日未央春帳暖須知
不假賦長門

爲靜樂李洪九孝廉

錫書悼亡

河東門第魏城君玉局淒涼望斷雲壓囊西風禁幾度低眉
明月正三分苦將盡篋局魚輪愁對庭蕪話蝶夢憔悴來年
京洛客錦機誰與寄迴文

冬日偶然作五首

道武誕雲澤昭昭紅日光舉之參合吸一夢先兆祥卻收嘉
容衆乘山觀晉陽繼運有明元屢戰平鴟狼北陲苦寒地善
守成金湯急纂乘咸秦得無嗤宋王
秋至始折膠弓勁敵易逞宋室多用兵庸臣悞邊境長城失
天險乃劃分水嶺樓櫓亦奚爲鐵騎任馳騁殘山浩長喟野
鳥弄寒影岩堡無狼煙吾生抑何幸

窮邊西北隅有山曰蘆芽上隱劉曜子服食雲與霞層梯倚

小謨鴈館詩集卷一

七

絕壁細路橫枯槎四海亂戎馬一山香草花意欲訪星冠重
重巖壑遮銀槍弄薜蘿兀坐聽哀笳安得韓終輩爲我駕飛
車

北風號日夕雪窖無冬春長恐歲寒冽悲哉鳩鵲民千山露
枯瘦萬戶皆荆榛襁褓且不完安望燒烏銀更有驅車者蹊
跋走黃塵堅冰上鬚結鞞手成鱗皴官舍豪華子淺酌酒百
巡庸知道路難彼此皆勞薪

地僻山勢促焚輪鼓萬竅時聞空谷中萬木作龍嘯北方尙
剛武並塞氣逾剽戡冠羽林兒長劔三河少代馬秋更肥高
岡恣登眺豺狼正縱橫狐兔亦喧蹄曷不鸞強弓兼邀縱原
療奇材卽小用且博如皋笑

新正三日囊可亭太守行簡席上作丁未

忝列通家子弟行爲家君兩成進師公許陪參佐醉蘭堂蛾眉
玉塞初三月虎節榮公第六郎太守行六太守數斗醉醺忘病鶴百番
行卷唱黃塵新晴好策頌春馬雁戶冰天望正長

李洪九公車北上便道過子酒閒賦贈二首

花幕論交半榻於酒場茶陣幾軒渠從無才語窮橫塵大有
元文錄小胥吟社散愁聽落葉故人來似獲奇書臨歧尙要
遲行色墨露還畱一斛儲

星迴月轉歲初終一笑屠蘇盡盡空小海唱遡沙塞月大蘆
筇咽夜簾風才名河朔空凡馬春色關山有斷鴻珍重薦雄
文似者長楊賦手向來工

洪九將行復贈二首

一自文鴛別書堂幾將遺挂認餘香淒其執扇三秋月辛苦

小謨鴈館詩集卷一

七

征衫五夜霜揮淚秦嘉仍上計奏書臣朔本東方樽前獨抱
春風感已踏槐花兩度黃

青衫蓬髮影髮髮明發脂車促兩驂燕市故應收郭隗渭城
容易感何堪詩緣惜別忘重複話屬傾心要再三他日延登
應憶遠梅花笛裏望江南

塞上春詞六首

黃雲遮不斷春紅帝飛車到紫濛羨煞大牙旗一面最先
消受好東風

綠徧林胡萬里沙玉關草色關邊花怪他盤馬彎弓地也學
裙腰一道斜

小桃花放戰場頭萬馬營邊雨乍收恰似虞姬在垓下英雄
兒女一齊愁

七香車逐玉絲鞭隊隊三河俠少年誰信鳴弦好身手解扶
殘醉拾花鈿
壯士全家成紫臺美人都在拂雲堆此間便是遼西地一任
黃鸞喚夢來
阿誰千乘載花遊上將行邊卷碧油前擁貔貅後鶯燕男兒
那不覓封侯

曉雨三首

一枕梨雲戶不開冶遊閒卻好樓臺綠窗何處春人笑剛拆
鞦韆雨便來
花朝上已劇怱怱一雨涼生棟子風見說斷蕪調馬好錦驄
催試鳳頭驄
檢點新涼強自支放晴休早待敲詩年年酒渴銕昏夜更愛

疎桐葉戰時

暮春城南作

馬上吟情塞上身東風吹側蹋鴟巾楊花節裏渾無夢杏蕊
梢頭略見春山石碎疏泉溜急沙田荒入燒痕新憑誰爲說
江南好三月香溪打槳人

署齋卽事六首

園林何謝總難方官閣山腰傍射堂烏几梳風爽甫塵青帷
邀月子雲牀花畦晨縛雙童帶茶甌宵開半段檣試讀秦川
公子賦可能信美卽吾鄉
緗帙瑤籤次第開摩挲故紙曲窗隈冊繡貝葉參花首硃點
丹經辨聖胎宿雨氣含琴堯潤新松陰遲鶴翎來忘情已慣
成南郭甘讓梁園作賦才

小謨觴館詩集卷一

木

高城隱隱起簫笳子夜巡檐感物華風色峭沈三摻鼓月痕
黃帶九邊沙無愁苦憶江東射易落生憐塞北花差喜窮魚
遙寺聽定中禪味在蜂衙
司空城旦劇蒼黃不到花間曲尺牀問絹客休誇令子折腰
吾莫慰高堂窮邊老屋三升酒故里溪田一稜薑聞說欲歸
歸便得好風憑仗送滕王
兔園冊敢薄羣儒要向書林乞慧珠偶爾好奇人道博浩然
懷古我非迂六更滕峽撐魚目百軸油拳禿鼠鬚尙擬琅嬛
求福地西陽有路莫踟躕
熟食清明過等閒陰晴天氣暖寒間城頭野色還畱雪郭外
人家半在山坐閱跳丸驚石火起聽吹角憶刀環江鄉儘有
煙波夢白板雙扉綠一灣

小謨觴館詩集卷一

亢

南山

高齋面南山隱几山在側雲去山蒼翠雲來山蒼鬱終年常
相對窈窕不我卽翻身掩重簾隔斷青山色

試話

試話三關好春蕪接雉媒野香麴麥雨炕暖豆稽灰羊羴寒
衣便駝羹小宴開祗餘猿鶴怨鴉噪夕陽哀

中元日擬遊城南未果口占示出遊諸友

踏青何必定春三鈿盒東郊舊俗諳新婦朱輪交揭幔侍兒
紅屐走傳柑衣香隔浦誰畱佩鞭影搖花幾駐驂忽憶汀洲
有舊杜又牽心事到江潭

苾麥飯并序

苾麥形似小麥而弱播之寒土則易熟苾讀如油摩武人和

作餌以爲常饕考油麥不見諸書故乃田器郡志卽以此字當之未詳所據作詩以補廣志要術諸農書之缺持梁齧肥者未足與知此味也

樂天賜防風香味勝珠攪平津餐脫粟故人心不感食色固天性不飽愁願頽樓煩僻遠陸苦霧翬多曉磽确地脈枯蓬勃天影慘盤無蟹將糖水乏魚投梭畔祿稿未詳齊民術誰覽常羞屏禾菽嘉種出埃窶名殊禹餘糧珍類楚文歇療饑邁蕪菁分植依沙莖刈盼實繁榮華先狀蒼蒼方苞垂淺房甲圻萌小菌萬畝恣采掇千倉聚阿坎廚爨磨作糜電安籬輕攬擣丸水宜調招餌指數撼蒸謝翠釜煒火用審煤鼎盛臨粉養香爭食卅兒喊菜甲羅青莖芋魁間白粳羣居靜不吳據案饒有喰三餐賜詎鳴五饋味誠醇邊氓素浮慈飲食

小謨陽館詩集卷一

手

耐恬澹奈何豪奢流千金恣一嘆下箸尙朵頤見此恐落磨徒爲欲逐逐枉費視耽耽平生讀奇書食譜究鉛槧五侯鯖無需扁米法多閤得茲腹亦果取視首先領世無朝飢人膏梁吾亦敢

雨望

堠烽寒不傳渾雲澹遙漬院花欽深萼牆燕塲雙翅清風宛故人挾雨千里至野意生鉤簾幽懷落郊次環山解修容一沐浮衆媚蒼潤兼喬林橫天關空翠掩冉起客情瀟漫渺遐思闕關煮茶鑄散帙開經笥仰憶江南人輕帆挂淮泗

晚眺

蒼蒼夕樓迴數盡背城鴉隻候呼韓戍開坊捉將家邊陰寒馬色旗角閃霜花獵罷者誰子北風吹帽斜

雨夜有懷

雲氣暮城合秋陰忽決旬江湖生遠夢風雨釀蕭晨世眼名山賤交情失路真問奇空載酒盼斷草元人

愁

缺月偏隨客疎鐙自照人問年過射策搔首悔遊秦世路風波地高堂老病親空眠不成寐何以慰羈身

東劉參戎

彭排清肅羽書稀落日蕭蕭照大旂壁壘兇犀圍列校風雲虵鳥護戎機行邊飲馬長城窟說劍垂纓短後衣好趁秋晴呼獵士蒼鷹一點草頭飛

當白馬篇贈某左司

六郡良家子結客少年場身爭怒隼疾氣共飢鷹翔朝日耀

小謨陽館詩集卷一

手

組練長風飄襜褕腰間烏號弓馬上綠沈槍十蕩更十決霍生迴光兇牟肖山製穹廬傲天張男兒作健身關敵不闕庭黃河流汨勃黑塞鬱蒼蒼一戰陷堅陣再戰摧排牆碧血異夫稜模餉獸具裝功成不戀賞持此登明堂

夜起二首

手招籌邊樓四隅黃花嶺接小單于蒼煙不動亂山睡看仄一丸秦月孤

羌笛憤飛邊柳葉霜笳能說落星心四更虎氣出城角風色怒來聲滿林

萬佛洞

邊風堀堀路屈盤檐牙矗矗浮晴巒入門下馬萬嶺寂蒼髯獨吼擎孤竿法幢高拂老蚪影古苔繡蝕連錢乾爰循石壁

拜龍象滿堂纓珞粉團樂雁排橫比難屈指四大六根同一
觀我聞五蘊本幻設世眼何處窺倪端化身舊傳種種法匪
此色相塵中看握衣卻步入精舍中有老僧如蠟殘竹爐煨
芋鼠雀靜斐几閱經蘿碎寒澹然跌坐呼不應垂頭自玩閤
浮檀少思繕性借禪悅華嚴法界虛研鑽結廬初地果何日
修門覺路迷泥洹無縫石喻不容世折足鼎錯多野干靈運
饒他早成佛坐閱大漠生狂瀾粥魚茶板孰執託尻輪神馬
愁闌單迴瞻三十二身相曠劫未悉空嗟歎流連毀若擬論
列起聽座客談除官

書宋胡忠簡公玉音問答卷後

鳳箋繕就和戎草玉管分書醺龍腦湛露親承金鴨杯七十
孤臣瘡庵老憑誰著眼覲征驂黎母題詩憶廣南已拌瑤關

小謨觴館詩集卷一

三

章難上獨愛銀山酒足酣詔書忽沛陽春澤朱厓絕域歸
客七字方吟蹈海詩千金早募匡君策建炎恩遇讓隆興五
月宮中卻暑蒸纖手蘭香捧荷殘錦紋御席坐花藤先朝耆
舊誰能識南渡中原竟無色除奸未稱蒙街心一宵漫紀東
華直細讀綸音涕欲流小朝廷尚誌宸遊空勞妃子歌金縷
記否擅廬賦打球

土騷歌

伊昔漢時丞相治宮室飛梁石磴陵紅泉又聞君雲擅農稼
重檐複閣岐渠聯河陽金谷池榛莽何況區區第宅禁千年
天堂高莫攀員莊制何取商量垂久遠永永避風雨一宅無
勞十萬錢五行只用中央土蠟燭絕塞鄰烏桓白沙漠漠霜
風寒巖居愁傾穴居穩盤坏以處誰曰藏身難犀銑利鉏斫

山骨連房洞闌封泥丸粘窗不用蜀宮錦塗壁頗取椒與蘭
朝朝大壑流雲護屋頂蒼厓掩深樹細觀一事更奇絕下自
高厓上行路吁嗟杜陵老叟詩中豪破屋卷去三重茅卻思
廣厦庇寒士江郊倚杖頭空搔我儕藏書況苦溼往往還溼
愁波漂高風持竿世所笑虞祿覆被無乃勞何如買山此地
居其卜秋風無驚書可讀同人莫題陋室銘君不見豈父當
年尚陶復

寧武瑛

大猷小猷出寧武工勝莎羅色交午長官取擄作地產縣吏
持銀索編戶大猷教舞稱羅瑜小猷深溫坐席鋪紅香翠暖
畫堂邃藏人敲手寒無福

讀史雜詠八首

客有以歷史中婦人與戎事入詩者所製未備爲補作之

小謨觴館詩集卷一

三

十三嬌女侍親闈一騎重關取救歸卻笑當時傳道蘊青絲
祇解小郎圍荷蕊
霹靂弓開窄袖輕一雙飛鳥落沙平蠕蠕公主盤鵬地小隊
紅妝恰並行余朱氏
牽裙飛控簇金鞍射貫雙鵬左右看見說雍容驚小字何如
隴上有陳安李汝妹
伉儷將軍壓武都從戎談笑擅雕弧陣雲深擁蓮花幕絕勝
平陽公主無楊氏
五季紛紛山雀歌一朝天命在沙陀楊劉夾寨英雄死爭似
夫人恩義多劉氏
畏龍爲甲帛爲旗仗劍牙門自督師快馬健兒三日卻不煩
老姬夜吹簫沙里質

汴蔡重聞嬖子軍情因夫婿義因君若為亡得綸巾隊共看
 蠻華織五文完顏仲德妻
 湫城迢遞西河隔十載腰金佩虎符誰識健鷹飛不到居然
 巾幗解馳驅吳里氏

代州教坊曲

美人舊宅秦淮曲金粉飄零賸寒綠都將六代後庭花種作
 三邊紫煙玉三邊地迴陵汾洛水繞漳沱波涼涼郎馬千金
 白鼻騮兒家一帶青楊巷巷中綿亘起朱樓屈戌銅環鎖兩
 頭夜閣狸奴偎枕角曉風燕子撲簾鈎鴉黃粉白樓前見官
 柳為腰杏為面倭墮鬢敲七寶釵紅酥肌褪雙金釧兜囊阿
 母佛奴鄰教執翻翻掌上身乍喚調笙櫻口澀時緣記曲翠
 眉翠逢人解說勝常慣習習薰衣香幾辦分曹射覆薛瓊瓊

小謨觴館詩集卷一

言

促座傳觴子盼盼不隔南阡與北阡趙家姊妹總羣仙會聯
 盆子邀寒食酒按花名啓戒筵珊珞鞭燦誰年少結騎長楸
 走相召束帛憑酬捉搦歌裂袿要博傾城笑傾城巧笑太慈
 生那管闌干斗柄橫盡底靈犀通叩叩帳中人月見明明吹
 來蚪箭蓮花漏倦入眉山隱深秀寶釵旋鬆玉一窩文窗低
 護春如繡善和坊外屋灣環別有梨園供奉班妙舞字傳車
 子薛清謳調譜漢卿關萬難親戚周遭地聚族家家闌新伎
 雜沓琵琶過橋喧閣曼衍魚龍戲就中最有飄蓬客且且
 羅襦戀柳澤問訊纏綿託箇面餘芳珍重藏遺為繼頭金富
 酒囊寬屈指歡場正未闌故鄉不道吳門遠修竹天寒翠袖

樓煩風土詞六首

裕織青幡簇簇排春書纔進綴春釵長官略副祈年請發牒
 先勾中瓦街俗皆云此禮盛則年穀順成往往試之而驗相
 翦執劈紙傲嬋娟略比奴星送路邊富媳娶歸窮媳去大家
 如願過新年正月五日新婦奉送路邊富媳娶歸窮媳去大家
 耿耿燈然不托香大填倉接小填倉不須掘窖盤游底平眉
 烏銀當麥場正月廿日名小填倉廿五日名大填倉俗名
 破費香泉幾斛傾龍擡頭日卯兒迎社公百五仍飛雪引得
 癡龍作麼生二月二日為龍擡頭日引龍之引龍
 弓弓點展陌頭聽六月香風駐畫軒怪底佳人遲拾翠天涯
 芳草此纔青六月六日男婦羣往
 花光釧影出闌都慶月等春興不孤一道香隄萬裙幪馬頭
 忙煞玉腰奴元節婦女傾城出遊
 老營堡
 何年八面障先零斗大孤城絕漠懸冷日野盤鵬翻燥怪風
 沙旋馬競圓牙門白鹿爭行炙小隊紅旗罷控弦閒煞太平
 蕃漢手細吹兇管唱秋煙
 紅門口明五市處
 長城鎖鑰一關開千騎會聞互市來和息有名誇納款遮閑
 無術仗通財局更衰季邊愁掃地總神州戌戶裁便欲丸泥
 復何事諫臣庸帥兩堪哀
 大水口康熙中西征華夷於此設站
 瘦日忽匿雲驚沙聚吾面蒼山如禿鷲有草不成蒨此路通
 瓜沙當年置郵停盤盤怒石堆一騎走雷電今來臥杼鼓聞
 遊逐星弁書生果下馬壯士紅陽燕笑遡陰山風同迎雪花

小謨觴館詩集卷十

言